

# Kangiqhidjutikhaq

## Qiniqhinarliurniq

### Hunauva qiniqhinarliurniq?

Qiniqhinarliurniq aanniarut aanniarutauvaktuq aanniarunmit. Aanniaqtut nakuhivaliqtut aanniaqtugaluit uminga aanniarunmik, tuqutuqalluaqhimanngitut qiniqhinarliuqtunik. Qayangnaqtuq kihimi ilainut inungnut, imaa encephalitis-ngurqtaaqtuq (qaritaata punnga puvittarangat), meningitis-ngurluni (qarita kivihi immaktirluni) ipirningit puvipkaqhutik (arthritis) hiudjarlirnaqtuq, igyuilu puvipkakhutik. Qiniqhinarliurniq hingaiyaulihaani nutarakhairnaqtuq.

### Qanuq ilihimaniaqqit qiniqhinarliuliruvit?

Iliturdjutaat qiniqhinarliuqtunik ulurianaqhkpata puvidjuaqhutik qiniqhinat akun'ngangni hiutik adlirublu. Qiniqhinarliuqtut kidjakhimavakhutik, qaaliruhukhutik, unaruhukhutik niqailliqihuiqhutik, Atauhiq inuk pingahunit qiniqhinarliuqtuq migihimayunaitaa qanurluuniit aannianganittut itluni.

### Qanuq hiamitauvakpa?

Qiniqhinarliurniq hiamittaaqtuq inungmit inungnut imarniinnit, kakianit, iggianganilu aanniarutiqaqtup (kalaktuqqat tagyuqalluuniit). Aanniarut hiamittaaqtuq qaffini ubluni ilituritinnagu aanniarutiqaqituq ubluqaqtaaqtuq 9-nik aannialaqihimaliqaqt kinaliqaak.

### Kitkut qiniqhinarliqtaaqat?

Kinaliqaak inuuhimayuuq 1970-mi avatqutaataluuniit aanniaqtailidjutinik kapuqtauhimanngitut taimaalu qiniqhinarliuqhimanngitut aannialaqittaaqtut, kitkuliqaak inuuhimayut 1970-nguqtinnagu qiniqhinarliuqhimayungnaqhiyut inuulihaarniani nakuuniaqtut.

### Qanuqtut naukuuhiyauvakpat qiniqhinarliulirangata?

Nakuuhaqhautaittuq qiniqhinarliuqtunut aanniaqtut inmingnik nakuuhivaktut aihimablutik. Kitkuliqaak aanniryualiqtuq qiniqhinarliuryuaqtut munaqhiliaqtukhayut.

### Qanuqtut qiniqhinarliurnaitkutikhamik piniaraluaqqat?

- Kinaliqaak inuuhimayuuq 1970-mi, kapuqtauhimayut nakuutqiyayuuq qiniqhinarlirnaikumik. Uqarvigilugit munaqhihi ilivillu ilatillu kapuqtauhimayaarni aanniarutiningnaitumik.
- Algakit auqpakhugit nakuutqiyayuuq aallatqiinik aanniarutiqaqitailiyaami. Algak auqpakhugit, kakaguiraangat tagyuruirangallu, aanniaqtuliqitinatit aanniaqtuliqihuirangavillu, ikayuutauniaqtuq hiamitirinnaitumik.
- Niqinigtu imigarnigtu higaanigtu nirritinigtu kigutigikhautinigtu atauharnik atuqatigiigtutitailuhi.
- Matuvaglugu qaniit kalaliraiguvit kakkiyaunmut ikuhirnulluuniit.
- Aihimavagluttit aannialiraiguvit.
- Kappuutigiyayukhat tamaita kaputautigihimayakhatit hilataanut Kanatap aquinahuaruvit.